



15.oktober 2020

UKA2020/201

### **Naalackersuisut 2021-mi Asiap Kangiani sinniisoqarfimmik pilersitsinissaq pillugu Inatsisartut aaliangiiffigisassaattut siunnersuut.**

(Nunanut Allanut Nukissiuteqarnermullu Naalackersuisoq)

Nuna naalagaffingoriartortoq nunani suleqatigiumasamini eqqanaarsartarpoq. Nuna aningaasatigut suleqatigiumasaminik qanimut suleqatigiuminarsartarpoq. Nuna nunarsuarmioqataasoq ineriartortorlu nunarsuarmioqatigiinni akuusarpoq. Nuna aalisakkanik inuussutissarsiuteqarnermik tunngavilik nunat aalisakkanik pisiortornerpaaffiusoq qanimut suleqatiginiarnerani siunertaqartarpoq.

Nunarput tassaavoq nunanit tamalaanik suleqateqarnissamut piukkussaaginnarani suleqatigiumaneqartoq. Pisuussutit uumassusillit uumaatsullu, imartat angallafigineqartut pingaaruteqartut aammalu naalagaaffinngoriartornermi attaveqaatitigut nukittorsarneq tassaapput nunatta siunnerfii nunanit tamalaanik iluaqutigineqarsinnaallutillu sunniuteqarfigerusutai uagut atorluarlugit innuttaasunut atugarissaartitsiniarnitsinni aqqutissat pingaaruteqarluinnartut.

Naalagaaffimmiit akisussaaffiit angerlaatereersimasavut pillugit toqqaannartumik nunanut allanut isumaqatigiinninniarsinnaatitaaffipput, tassalu nunanut allanut politikkeqarnitsigut ersertoq pingaaruteqarluinnarpoq suleqatigiumasatsinnut apuunneratigut suleqatigiuminarsarnikkut anner-tuumik iluaqutigisassarput.

Nuna aallartitaqarfimmikkut toqqaannartumik oqaloqatigineqalersarpoq, nunanut suleqatiginiak-kamut qallisartarpoq apuussiviginiakkanik annertuumik maluginiarneqarluni pisussaaffiliisartoq, isu-maqatigiissutissanik piareersaalertarpoq, suleqatigiissutissat ersertarput, ikinngutigiilerneq pi-lersarpoq minnerunngitsumillu niuernikkut politikikkullu sunniuteqarneq oqariartornerlu an-nertooq pilersarpoq. Aqqutissaq tamanna eqqortuuvoq. Aaliangigassarput eqqortuuvoq.

Oqaannarsinnaanngilagut naalagaaffik sinnerlugu aallartitaqarfiit danskit ingerlatarisai naammagi-innassallutigit. Danskit tamakkiisumik soqutigisaannik aallaaveqartuupput ullorlu manna Nunarput qitiutillugu suliniarnerat annertuumik sunniuteqanngitsumik ingerlappaat. Killormuanik maannak-kut danskit aallartitaqarfiat Beijingimiittoq aallartitaqarfinni tamani sukkanerpaamik sulisoqarnik-kut amerlisaaviunersaallunilu ulapaarnerpaat ilaattut taaneqartalernikuuvoq Issittulerngusaattunik Kineserillu issittumi annertusaaniarnermik niuernikkullu aqqutissiuussiniarnerannik peqquteqar-piartumik. Danskit niuerniarnerminni maanna tamanna atorluarumallugu iluaqutigeqaat anner-tuumillu ersarilaarsitsiniarnermik suliniuteqarput.



Maluginiarneqarneq tamanna uatsinnut sammisoq uatsinnit iluaqutigineqassaaq, soorunami.

Aalisakkatigut tunisat suli amerlanerusut kangianut sammititat takujumavagut, suliareqqinneqaratik Danmarkimut ingerlatiinnarneqartarneranut taarsiullugu. Niuffaffiit iserfigiumavagut, sunniuteqarumavugut aammalu suleqatigiinnernik toqqaannartunik pilersitsiumavugut minnerunngitsumillu nunarsuarmi aningaasarsiornikkut maannakkoqqissaaq siuariartornerpaaq sunniuteqarfigalugu suleqatigiumavarput.

Kalaallit aallartitaqalernitsigut Kineserinik suleqateqalernissaaq qularutigineqassanngilaq danskinit aammalu taakkua suleqatigisatut qaninnertut taasartagaat USA-mit annertuumik maluginiarneqassasoq. Kineserit nunatsinnut soqutiginninnerat annertuujuvoq. Kingullertigut takuarput mittarfi-liortitsinissamut suliap aallartisarnernani kineserit suleqataanissamik aallaalluunniit aningaasaleeqataasinnaanissamik ammanerat taakkunanit tusarneqarmat danskit aningaasaleeqataanissaat imaaliiallaanaq ajornaquteqarunnaariaaarpoq. Imaanngilaq danskit ilumoortumik ikiorumamma-tigut, naamik pissutigaluguuna USA-p nuannarinngimmagu kineserit nunatsinnut taama naalak-kersuisutigoortumik suleqatigineqalernerat USA-p aningaasaqarnikkut nunarsuarmi aningaasaqar-nikkut unammillertaasa annersarimmassuk, tamannalu pissaaneqarniunnermut tunngammat. Danskit tapersiinerat USA-p soqutigisaanik tunngaveqarpoq.

Uagut nunatut nammineq soqutisavut kisiisa aallaavigalugit kikkullu suleqatigiumanerivut aaliangis-suarput. Soorunami.

Beijingimi pilersitsinermi naatsorsuutigisariaqarparput siunissami nunaqqatitta diplomatip silarsu-aani suliaqartut ilanngullugit ilinniartinneqarlutillu akuutinneqarnissaannik annertusaqataassasoq, soorlu aamma maanna aallartitaqarfitsinni Danmarkimi, Bruxellesimi, Washington DC-mi, Reykja-vikkimi pisoq.

Bruxellesimi aallartitaqarfeqalernitsinnit ukiorpassuit qaangiussimalerput, taamannallu aaliangiisi-manerup maanna takussutissartaasa pingaarnersaat takuneqarsinnaasoq tassaavoq aalisarnikkut, ilinniartitaanikkut allatigullu EU-mit suleqatigiinnermik nassataqarpoq ukiumut aningaasarpassuar-nik iluaqutigisatsinnik. Tassa taamatut.

Naalakkersuisut siunnersuutaat tamakkiisumik taperserujussuarparput aaliangiinikkut ima ittutigut nunarput nukittunerulersissammagu, nunarput ersarinnerulersissammagu nunarpullu nunarsu-armioqatigiinni suleqateqarlersissammagu.

Nunanut allanut sillimaniarnermullu ataatsimiititaliamut ingerlateqqipparput.